

杜詩偶評

卷肆

杜詩偶評

卷一

杜詩偶評卷四目錄

七言律詩五十八首

題張氏隱居

九日藍田崔氏莊

崔氏東山草堂

紫宸殿退朝口號

曲江對雨

送鄭十八虔貶台州司戶傷其臨老陷賊之

故闕爲面別情見於詩

至日遣興奉寄北省舊閣老兩院故人

蜀相

野老

送韓十四江東覲省

野人送朱櫻

南鄰

和裴迪登蜀州東亭送客逢早梅相憶見寄

客至

賓至

恨別

秋盡

野望

聞官軍收河南河北

送路六侍御入朝

涪城縣香積寺官閣

登高

將赴荆南寄別李劍州

將赴成都草堂途中有作先寄嚴鄭公五首

登樓

宿府

閣夜

白帝城最高樓

秋興八首

詠懷古跡五首

諸將五首

夜

暮歸

返照

九日

又呈吳郎

吹笛

冬至

小寒食舟中作

五言長律十九首

冬日洛城北謁玄元皇帝廟

投贈哥舒開府翰二十韻

贈特進汝陽王二十韻

敬贈鄭諫議十韻

上韋左相二十韻

喜聞官軍已臨賊境二十韻

送蔡希魯都尉還隴右因寄高三十五書記

遺興

行次昭陵

重經昭陵

寄李十二白二十韻

奉送嚴公入朝十韻

傷春

王閬州筵奉酬十一舅惜別之作

春歸

奉觀嚴鄭公廳事岷山沱江畫圖十韻

謁先主廟

南極

東屯月夜

五言絕句四首

絕句

復愁

歸雁

八陣圖

七言絕句九首

贈花卿

戲爲六絕句

書堂飲既夜復邀李尚書下馬月下賦

江南逢李龜年

杜詩偶評卷四目錄終

杜詩偶評卷四

長洲沈德潛稿士纂

後學潘承松森千校閱

七言律詩

題張氏隱居

即張卿也

春山無伴獨相求。伐木丁丁山更幽。澗道餘寒歷
冰雪。石門斜日到林邱。不貪夜識金銀氣。遠害朝
看麋鹿遊。乘興杳然迷出處。對君疑是泛虛舟。

不貪句言其識之清遠害
句言其識之曠不必穿鑿

九日藍田崔氏莊

老去悲秋強自寬。興來今日盡君歡。羞將短髮還

活用舊

吹帽笑倩傍人爲正冠。藍水遠從千澗落。玉山高水。玉。山。不。忍。遽。去。也。若。云。看。菜。奠。有。何。意。味。
竝兩峰寒。明年此會知誰健。醉把茱萸子細看。

崔氏東山草堂

東山即藍田山

愛汝玉山草堂靜。高秋爽氣相鮮新。有時自發鐘磬響。落日更見漁樵人。盤剝白鴉谷口栗。飯煮青泥坊底芹。何爲西莊王給事。柴門空閉鎖松筠。

此以古爲律謂之拘體可偶一爲之。芹韻在十二文應是尊字王維輞川在藍田之西故云西莊似有諷之歸來意

紫宸殿退朝口號

隨口行吟白口號

戶外昭容紫袖垂。雙瞻御座引朝儀。香飄合殿春風轉。花覆千官淑景移。晝漏稀聞高閣報。天顏有

喜近臣知宮中每出歸東省會送夔龍集鳳池。

紫宸乃內殿故所詠皆宮中之景與大明宮自別

曲江對雨

城上春雲覆苑牆。江亭晚色靜年芳。林花著雨燕脂濕。水荇牽風翠帶長。龍武新軍深駐輦。芙蓉別殿謾焚香。何時詔此金錢會。暫醉佳人錦瑟傍。

前半寫雨景之寂靜後半懷南內之淒涼不忘上皇也未冀復見金錢之會無限低徊。上皇改龍武軍從夾城達芙蓉園今云深駐輦謾焚香見不復檢閱臨幸也金錢會亦開元時事會有教坊女樂

送鄭十八虔貶台州司戶傷其臨老陷賊之故闕爲面別情見於詩

鄭公櫟散鬢成絲。酒後常稱老畫師。萬里傷心嚴
譴日。百年垂死中興時。蒼黃已就長途往。邂逅無
端出餞遲。便與先生應永訣。九重泉路盡交期。

屈曲赴題。清空一氣。與闡官
軍收河南北。同是一律。

至日遣興奉寄北省舊閤老兩院故人

憶昨逍遙供奉班。去年今日侍龍顏。麒麟不動爐
煙上。孔雀徐開扇影還。玉几由來天北極。朱衣只
在殿中間。孤城此日腸堪斷。愁對寒雲雪滿山。

此公出爲華州掾。故有此詩。追憶去歲
朝儀而今不得與。惓惓有故主之思焉。

蜀相

丞相祠堂何處尋。錦官城外柏森森。映階碧草自
春色。隔葉黃鸝空好音。漢。語。武。侯。生。平。激。昂。痛。三顧頻煩天下計。兩朝開
濟老臣心。出師未捷身先死。長使英雄淚滿襟。宗。忠。簡。臨。終。語。此。二。語。

野老

野老籬前江岸迴。柴門不正逐江開。漁人網集澄
潭下。估客船隨返照來。長路關心悲劒閣。片雲何
意傍琴臺。王師未報收東郡。城闕秋生畫角哀。

前寫晚景後寫旅情不必
承接杜詩中偶有此格

送韓十四江東觀省

兵戈不見老萊衣。歎息人間萬事非。我已無家尋

弟妹君今何處訪庭闈黃牛峽靜灘聲轉白馬江
神致淋漓
寒樹影稀此別應須各努力故鄉猶恐未同歸

前半言江東觀省
後半言蜀江送別

野人送朱櫻

西蜀櫻桃也自紅野人相贈滿筠籠數迴細寫愁
仍破萬顆勻圓訝許同憶昨賜露門下省退朝擎
出大明宮金盤玉筋無消息此日嘗新任轉蓬
開筆
闕筆

也自紅愁仍破訝許同俱對賜櫻
桃著筆下半流走直下格法獨創

南鄰

錦里先生烏角巾園收芋栗未全貧慣看賓客兒

童喜得食階除鳥雀馴。秋水纔添四五尺。野航恰受兩三人。白沙翠竹江邨暮。相送柴門月色新。

前半言造南鄰之居
後半言同舟送別也

和裴迪登蜀州東亭送客逢早梅相憶見

寄

東閣官梅動詩興。還如何遜在揚州。此時對雪遙相憶。送客逢春可自由。無限曲折幸不折來傷歲暮。若爲看去亂鄉愁。江邊一樹垂垂發。朝夕催人自白頭。

客至

原注喜崔明府相過

舍南舍北皆春水。但見羣鷗日日來。花徑不曾緣